

**Uunga siunnersuut: Organistitik amigaateqarneq, suullu peqqutaanersut pillugit Naalakkersuisut UKA2023-mi agguaassassamik nalunaarusioqqullugit Inatsisartut aalajangiiffisassaattut siunnersuut. Nalunaarusiami akissarsianut tunngasut, ilinniartitsinikkullu neqeroorutaasinnaasut il.il. qulaajarneqassapput, kiisalu qanoq iliornikkut amigaateqarneq qaangerniarneqarsinnaanersoq pillugu Naalakkersuisut siunnersuuteqartoqassallutik.**

*(Inatsisartuni ilaasortaq Siverth K. Heilmann, Atassut)*

**Kultureqarnermut, Ilinniartitaanermut, Ilisimatusarnermut Ilageeqarnermullu  
Ataatsimiititaliap**

**Siunnersuutip aappassaanneerpeqarnerani**

**ISUMALIUTISSIISUTAA**

Ataatsimiititaliap suliarinninnermini kingullermik ilaasortarai:

Inatsisartunut ilaasortaq Doris Jakobsen Jensen, Siumut, Siulittaasoq

Inatsisartunut ilaasortaq Nivi Olsen, Demokraatit Siulittaasup tullia

Inatsisartunut ilaasortaq Harald Bianco, Inuit Ataqtigiit, sinniisoq

Inatsisartunut ilaasortaq Dines Mikaelson, Siumut

Inatsisartunut ilaasortaq Mariia Simonsen, Inuit Ataqtigiit

UPA2022-mi 11. maj 2022 siullermeernerup kingorna siunnersuut ataatsimiititaliap misissorpaa.

**1. Siunnersuutip imarisaa siunertaalu**

Siunnersuummi matumani organistitik amigaateqarneq, suut peqqutaanersut, akissarsianut tunngasut, ilinniartitsinikkullu neqeroorutaasinnaasut assigisaallu pillugit Naalakkersuisut nalunaarusioqqullugit peqquneqarput. Sooq organistitik amigaateqartoqarnersoq qanorlu iliornikkut amigaateqarneq qaangerniarneqarsinnaanersoq siunnersuusiortoqarnissaa paasiniarneqarnissaalu siunertaavoq.

**2. Saaffiginnissut**

18. maj siunnersuut pillugu Tønnes Kreutzmannimiit ataatsimiititaliaq saaffiginnissutisivoq. Saaffiginnissut isumaliutissiisummut ilanngussatut kakkiuppoq.

**3. Siunnersuummik ataatsimiititaliap suliarinninnera**

Siunnersuutip inersuarmi oqaluuserineqarnerani tapersersorneqarluarpoq. Organistinillu amigaateqarnerup patsisaanik nalunaarusiortoqassasoq isumaqatigilluarneqarpoq.

Organistit suliaminnik inuussuteqarsinnaannginnerannut isumaqatigiissutit siunnersuummut tunngavilersuummini siunnersuuteqartup tunngavilersuutitut ilanngukkai ataatsimiititaliap maluginiarpaa. Nalunaarusiami isumaqatiginniarnernik eqqartuinerit minnerusuinnarmik ilanngunneqartariaqartut suliffeqarnermi illua'tungeriit imminnut isumaqatigiissuteqartarnerat innimigalugu pissasoq ataatsimiititaliaq isumaqarpoq. Tamanna ima paasineqassanngilaq organistinik amigaateqarneq pillugu ajornartorsiutip naalakkersuinikkut oqallisigineqarnerani organistit tamakkiisumik isertitassatigut tunngavigisaasa isumaa uuttuutitut pingaaruteqanngitsutut isigineqanngitsoq. Ajornartorsiut qaffasinnerusumut inissillugu eqqartorneqarsinnaavoq. Taamaakkaluartorli akissarsianut tunngasoq suliffeqarnermi illua'tungeriit akornanni tatisimaneqarnani isumaqatigiissusiorsinnaanerup innimigineratigut suliarineqartariaqartoq Inatsisartuniillu aalajangersarneqassanngitsoq ataatsimiititaliap naqqissusissavaa.

Organistinik amigaateqarneq pillugu nalunaarusiamut atugarisaasut assigiinngitsut siunnersuuteqartup nalunaarusiami ilanngunneqartussatut taariigaasa saniatigut ilinniartutut tiguneqarsinnaanermut piunasaqaatinut nuutinik<sup>1</sup> atuarsinnaaneq tulluurtuusoq ataatsimiititaliaq isumaqarpoq. Organistitut ilinniarneq ukiuni marlunni pikkorissarnikkut ilinniarnerusoq aamma organistitut sulineq piffissap ilaannaani sulinerusoq ataatsimiititaliap maluginiarpaa. Organistitut ilinniarneq ukiuni marlunni pikkorissarnikkut ilinniarnerusoq aamma organistitut sulineq piffissap ilaannaani sulinerusoq ataatsimiititaliap maluginiarpaa. Periarfissap tamassuma saniatigut ajoqitut organistitullu atorfiit katiterneqarsinnaanerannik aamma qinnuteqartut amerlassusaannik nalunaarsuineq, ilinniarnissamat akuerisaasut aamma 2016-miilli organistitut ilinniagaqarnerminnik naammassinnittut nalunaarusiami ilanngunneqartariaqarput.

Naggasiullugu Tønnes Kreutzmannip<sup>2</sup> saaffiginnissutaani sammisat allaaserineqartut nalunaarusiamut aamma ilanngunneqassasut ataatsimiititaliaq isumaqarpoq:

- Ilinniarnerup nalaani ilinniarnersiuteqannginnerup ajornartorsiuteqartitsinera
- Oqaluffinni nipilersortartoqarnermik organisteqarnermillu taaguutinik ersarissaaneq
- Piffissamik tamakkiisumik organistitut sulisinnaanermik periarfissaq
- Oqaluffimmi sulinissamat piareersarnerni piffissamik atuinermik misissuineq

#### **4. Siunnersuutip aningaasatigut kingunerisassai**

Inatsisartut Suleriaasianni § 33 imm. 1-imi allassimavoq siunnersuutip piviusunngortinneqarnissaanut aningaasatigut allaffissornikkullu kingunerisassai siunnersuutip tunngavilersuutaani allaaserineqassasut.

Siunnersuutip piviusunngortinnissaanut aningaasatigut kingunerisassai allaaserineqassasut ataatsimiititaliap maluginiarpaa.

---

<sup>1</sup> Oqaluffimmi nipilersortartutut Ilinniarnerup aqqissuussaana Naqinnera siulleg 2016


<sup>2</sup> Se bilag

Taamaalilluni 250.000 kr qaangernagu aningaasartuutit amerlassuseqassasut  
naatsorsuutigineqarpoq.

**5. Ataatsimiititaliap inassuteqaataa**

Siunnersuutigineqartoq akuersissutigineqassasoq ataatsimiititaliap isumaqatigiittup  
inassutigaa.

Taamatut oqaaseqarluni isumaliutissiisummilu allassimasutut paasinnillutik matumuuna siunnersuut ataatsimiititaliap aappassaaniigassanngortippaa.



Doris Jakobsen Jensen  
Siulittaasoq



Nivi Olsen  
Siulittaasup tullia



Harald Bianco



Dines Mikaelson



Mariia Simonsen

**Kultureqarnermut, Ilinniartitaanermut Ilisimatusarnermut  
Ilageeqarnermullu Ataatsimiititaliaq V/Doris J Jensen**  
[lobd@ina.alla.gl](mailto:lobd@ina.alla.gl) og [dojj@inatsisartut.gl](mailto:dojj@inatsisartut.gl)

**Kopi: Biskorpeqarfik**

**Nunatsinni pattattoqarnej pillugu inatsisartut ulloq 11. maj 2022 eqqartuereerlutik pineqartoq taper-serlugu ataatsimiititaliamut ingerlateqqippaat. (pkt 155)**

*Tønnes Kreutzmann-imik ateqarpunga, 2002-mi pattattut atorfinitsinneqarnikuuvunga ullumikkullu Nuummi pattattuullunga. Nunatsinni pattattut ilinniartitaaneq 2014-mi naammassinikuuara pattattutullu ukioq manna ukiut 20-ngortorsiorlugit. Pineqartoq inatsisartuniit ataatsimiititaliamut ingerlateqqinneqarnera iluatsillugu pattattup "silarsuaaniit" paasisutissiilaarnarlunga allagaqaateqarpunga.*

Inatsisartut eqqartuinerminni maluginiarnerusaat "oqaluffimmi nipilersortartoq" (kirkemusiker) SIK-p pisor-tanik isumaqatigiissutaani 02. Dec. 2019-meersumi ilaatinneqarpoq. Kirkemusiker organist-ilu taaguuti-mikkut assigiinngikkaluartut nunatsinni pattattut sulinermi immikkooruteqanngillat pattattutulli atorfiup "inuussutissarsiutinngortinneqarsinnaaneranut" taaguusersuinikkut periarfissaqartitsinissaq pisariaqarsori-narluni.

Nunarsuarmi sumiikkaluaaraanniluunniit pattattut sulinerup tunngavia tamani assigiippoq, tassa inuiaat tussiuataasa ajunngitsumik tussiarneqartarnissaannut siuttut akisussaassusilimmik sulineq. Oqarutta; DK`-mi innuttaasut 5.8 millionit ilagiittut tussiuataat 791-put. Kalaallit nunatsinni 56.000-luta tussiuatigut 644-lutik, tassa nunatsinni organisti DK-mi organistimut sanilliullugu tussiuatigut isumagisassaqarneroqaaq. Soorlu nunani allani taamaattoq DK`mi organistitut atorfik inuussutissarsiutaasinnaavoq, nunatsinnili tamaanngilaq.

Nuutit tupinnartuliaapput organistimullu sulinermi toqqammavittut siuariartorfiussappata ullormut 3 time sungiusarneqartuaannartussaapput. Aamma ilagiittut aqqissuussaansinnit ileqquuvoq nalliuttorsuarni naalagiani palasimut akioriissut tussiaqattaarutillu assigiinngitsut ingerlanneqartarlutik. Oqarutta: Nalliuttorsuarni tussiaqattaarutissat ca. 15 min. sivisussuseqartussat qaammatinik arlalinnik sioqqutsisumik organist-imiit erinarsoqatigiinnut sungiusarneqalersarput, tassa imaappoq: Pattattut atorfik malunnaangitsuusaa-mik piffissarujussuarmik aamma allatigut piumasaqaatitaqareerpoq.

Ulluinnarni kuisitsinerit, katittut, ilisinerit il.il. ingerlaavarput utoqqaallu illui suliarforfigineqartarmata mee-rannguaniit utoqqarsuarnut organistitut attuumassuteqarfisakkut akisussaassusilimmik innuttaasut sullin-neqartarput. Oqarutta: Nuummi innuttaasunut 19.000-nut qatserisartut 36-it pisariaqalerfiagut akisussaas-susilimmik sullissisussaataapput, organistit marluinnaanguupput pisariaqalerfiatigullu innuttaasunut taak-kununngarpiq aamma akisussaassusilimmik sullissisussaataallutik, tassa imaappoq: Malunnaangitsuusaa-mik atorfik kiserliornarsinnaasoq akisussaafferujussuarmik piumasaqaatitaqareerpoq.

Ullumikkut ilinniartitaanermi pattattunngorniat ilinniagaqarnermusiaqanngillat. Ilinniartut teori ingerlakkiar-torlugu ataatsimoortinneqartarput angalanerminnilu tassani "ullormusiaqartinneqartarlutik." Teori naam-massinerani angerlarlutik ukiup tullianut ataatsimooqqinnissamut ilinniagassinneqartarput, ilinniarnermu-siaqaratik. Tassa imaappoq: Ullumikkut kinaluunniit ingerlariaqqikkumalluni Majoriami ingerlatsilersimasoq qaammammut aalajangersimasunik ilinniagaqarnermusiaqalesarpoq, pattattunngornianut tamanna atuutin-ngilaq.

Nunatsinni pattattut atorfiup akilernerlutaavallaarneragut inuussutigisinnaasamik allamik atorfeqartaria-qarpoq, taamaattumik atorfilittut allatuulli weekend-ini qasuersilerfissaraluami pattattut sapaammut piareersarnerit tallimanngornermi aallartereertarmata taakkununga sapaatip akunneqaranilu weekend-eqanngilaq, tassa imaappoq: Nammineq ferie atornianngikkanni ukioq kaajallallugu qasuersaarfeqanngiusar-tumik ullut tamaasa organistimut suliffiusariaqarput.

Erseqqinnerusumik paasisaqartoqarusussappat piareersimavunga.

In.in.  
Organist Tønnes Kreutzmann  
Nuuk 18/05-2022